

Michałk, Frido

Wliw němčiny na połoženie finitneho słowjesa w serbskej sadže

In: *Otzky slovanské syntaxe : sborník brněnské syntaktické konference, 17.-21.IV.1961.* Vyd. 1. Praha: Státní pedagogické nakladatelství, 1962, pp. 190-198

Stable URL (handle): <https://hdl.handle.net/11222.digilib/119407>

Access Date: 17. 02. 2024

Version: 20220831

Terms of use: Digital Library of the Faculty of Arts, Masaryk University provides access to digitized documents strictly for personal use, unless otherwise specified.

WLIW NĚMČINY NA POLOŽENJE FINITNEHO SŁOWJESA W SERBSKEJ SADŽE

FRIDO MICHAŁK (Lipsko)

Z prašenjom němskeho wliwa na serbščinu su so zaběrali hač do najnowišeho časa někotři serbscy gramatikarjo z bjezwuhladnym zaměrom, „wurjedžić“ našu rěč a wotstronić elementy tutoho wliwa. Při tym měrješe so tutón purizm wosebje přečiwo leksikaliskim a morfologiskim zjawam, a njedžiwachu na prašenja syntaksy. Džensa wuchadžamy z toho, zo je serbščina komunikaciski srědk konkretneje rěčneje towaršnosće, kotrejež člonojo su wšitcy dwojorěčni (serbščina, němčina) při čimž je wužiwanje tuteje abo tamneje rěče wotwisne wot towaršnostnych, narodnostnych a tematiskich wuměnjenjow, w kotrychž so komunikacija wotměwa. W tajkej situaciji je cyle přirodne, zo dochadžá k wzajomnemu wobwliwnjowanju wobeju rěčow. Nadawk serbskich rěčespytnikow tu njewobsteji we „wurjedženu“ serbščiny, ale we wotkrywanju zakonitosćow tutoho wzajomnego skutkowanja a w stražowanju nad komunikatiwnosću rěče.

W tutym zmysle dotal najwažniše džélo je L. V. Ščerbowa monografija wo mužakowskej narěči.¹ Ale tež tu so prašenja syntaksy z tohole stejnišča jenož jara mało wobkedžbuja. Tuž je trjeba, zo serbski rěčespyt nětko skónčne zloži swoju kedžbnośc tež na tute dotal zanjechané problemy.

Jedyn z najbóle napadnych wuskutkow němskeho wliwa na serbsku syntaksu hodží so wobkedžbować na polu słowosłěda. Na tutón fakt je pokazał hižo J. Bart-Čišinski w swojim fragmentarnym nastawku „*Hlosy ze Serbow do Serbow*“,² a to z tonymi słowami: „Citajmy jeno cyle strony, móžeš skoro bjeze wšeho přeměnjenja a přestajenia do němskeho přeložić.“ Tutón fakt so wobkrući tež kóždemu přeložwarzarjej při džěle na přeložkach z druheje słowjanskeje rěče do serbščiny: tak ruče kaž so něšto njehodží přeložić po słowie, přibližuješ so — prócujo so wo najlepšu komunikatiwność — nimo wole němskej metaforice, frazeologiji a tež němskemu słowosłědej.

Analyzuješ-li pak hļubšo poměry mjez serbskim a němskим słowosłědom, to dóndžeš k zajimawym dopoznaćam wo dialekttice interferencowych zjawow mjez systemomaj wobeju rěčow. Tuta dialekтика wobsteji w tym, zo struktturny element

¹ L. V. Ščerba, *Восточнонужицкое наречие*, St. Peterburg 1915.

² J. Bart-Čišinski, *Spisy z mlodych let*, Berlin 1956.

primarneje rěče — přijaty do systema sekundarneje sam podleží wěstej metamorfozy (wustupuje w nowych opozicjach), sam pak tež wuskutkuje přemény w systemje sekundarneje rěče (nastawaja nowe opozicije).³ Na tute wašnje móže so stać, zo w sekundarnej rěci (a) nastanje něsto dospołnje noweho, štož prjedy njebě eksistowało w žanej z wobeju rěčow. Na tute wašnje pak so tež wujasnja, zo so někotre elementy struktury primarneje rěče jara lochko přejimala do sekundarneje, druhe pak (b) wostanu tu přeco czuwōčcy (Fremdkörper). Tak na př. je to (a) z wotdželomnymi prefiksami, kotrež su w serbščinje nastali pod němskim wliwom.⁴ We woběmaj rěcomaj drje mamy nětko opoziciju *wotdželomny prefiks*: *njewotdželomny prefiks*, ale po wobsahu stej tutej opoziciji dospołnje wšelakorej. W němčinje hraje wona wěstu rožeznawansku rolu jenož we słowotwórbje (*ich übersetze: ich setze über*), w serbščinje pak wona ma wuznam tež w morfoložji: služi zdžela k rozeznawaniu aspektowych komponentow jednoho słowjesa:

roztorhać : różno torhać.

Wažne je tež přispomnić, zo w tutej opoziciji njewustupuja ani w serbščinje ani w němčinje wšitke wotdželomne a njewotdželomne prefiksy, a zo su to w serbščinje cyle druhe prefiksy, kotrež w njej wustupuja, hač w němčinje.

Tak pod němskim wliwom w serbščinje na př. (b) njemóže ženje nastać forma *mam slyšal* porno *sym šol* po příkladze

ich habe gehört ich bin gegangen,

dokelž *mam* jako pomocne słowjeso w temporalnych formach steji w serbščinje hižo w druhéj wažnej opoziciji napřečo *sym*:

mam zatepjene sym zatepił

Tu so *mam* zwjazuje jenož z n-participom, a tute formy woznamjenjeja rezultat, abstrahowany wot jednanja, kotrež je jón wuskutkował.

Podobnje komplikowana je tež interferenca na polu struktury słowoslěda, kotruž chcemy tu přepytować na příkladze městna finitneho słowjesa w serbskej sadže. Hižo wot přenich wuprajenjow wo serbskim słowoslědze wospytuje so twjerdźenje, zo steji w serbščinje finitne słowjeso husto na kóncu sady (typ: *Bity njebiteho njese*). Druhdy so tež praji, zo tu dže wo wosebistoš serbščiny, kotaž ju rozeznawa wot němčiny. Najwurazniš to praji Berneker we swojej knize wo słowoslědze w słowjan-skich rěčach. Wón tu widzi wobchowanje prastowjanského tradicionalnego słowoslěda w serbščinje pólščinje a čěščinje.⁵ Jeho nahlady wo „tradicionalnym“ a „okazionalnym“ słowoslědze w słowjanskich rěčach pak a wo słowoslědnej strukturje

³ Přir. U. Wcinreich, *Languages in Contact*, New York 1953, § 1.1.

⁴ Přir. Šđerba, *op. cit.*, 116 sč.; F. Michałk. *Über den Aspekt in der sorbischen Volks-sprache*, Z. f. Sl., IV, 250 sč.

⁵ E. Berneker, *Die Wortfolge in den slawischen Sprachen*, Berlin 1900, 59.

prasłowjanščiny njejsu so w pozdžíšej fachowej literaturje připoznawali. Kritika na jeho tezach zepjera so wosebje na teoriju wo wobsahowym rjadowanju (aktuální členění, podzielność psychologiczna, Thema-Rhema-Gliederung), kotaž je so wudželała w třicetych lětach našeho lětstotka.⁶ We wotpowědnej českej a pólskej literaturje so přeciwo Bernekerej zwěsti, zo so městno slowjesa w sadže w tutymaj rěčomaj postaja hłownje po wobsahowym rjadowanju, a zo knježi po gramatiskim principje tajki slowosłěd, zo slowjeso steji před swojim objektom resp. adverbialnym wobstejenjom.⁷ Tuž dyrbimy konstatować, zo so serbščina tu njekryje z němčinu, ale zo so rozeznawa tež wot pólščiny a čěščiny. Zo bychmy móhli wotmołwić na prашenje, čehodla je to tak, dyrbimy přeypytać wšitke konteksty, w kotrychž móže wustupić slowjeso, rozšerjene z objektom abo z adverbialnym wobstejenjom.

I. Infinitiw

W němskej infinitivnej sadže knježi jara stabilny slowosłěd objekt — infinitiw. Wón so scyla njehodží přeměnić bjez toho, zo by so to začuwało jako sylne wotchilenje wot normy.

W serbskich słownych skupinach z infinitiwom jako jadrom přewažuje tón samsny slowosłěd. Wón pak je labilniši hač w němčinje, hodží so wobroćić, jeli sej to wužaduje wobsah. W čěščine a pólščinje knježi tu labilny gramatiski slowosłěd infinitiw — objekt. Příklady:

1. *Tak bě čeledž na to zvučena, we mni přichodneho rozkazowarja widžec.* (Hana) — Polski orig.: *Ludzie przywykli byli, patrzać na mnie jak na przyszłego pana.* — Ně.: *Die Leute waren es gewohnt, in mir den künftigen Herrn zu sehen.*

2. *Wokoło popoldnja běžestaj jedyn na tón, druhi na druhi kónc zwěrinu honič.* (bajki) — Česki přel.: *Kolem poledne se rozbehali lovit zvěř.* — Ně.: *Am Nachmittag gingen sie auseinander, um Wild zu jagen.*

3. *A wón požadaše swój brjuch napjelić ze słodziznami, ...* (biblia) — Polsce: *I żądał napelnić brzuch swój młotem, ...* — Česce: *I žádal nasytiti břicho své mlátem, ...* — Swětlik: *Ha wón žadašo napjelić swój brjuch z lušciznami, ...* — Ně.: *Und er begehrte, seinen Bauch zu füllen mit Trebern, ...*

Zo steji tutón serbski slowosłěd pod němskim wliwom, widžimy wosebje jasne w słowniku, hdyz so infinitiwej dodawa jako příklad za rekeciju někajki objekt. W němskich a serbskich słownikach tu knježi slowosłěd objekt — infinitiw, w českich a pólskich pak infinitiw — objekt.

⁶ Přir. na př. St. Szober, *Podzielność Psychologiczna a Układ Wyrazów w Zdaniu Słowiańskiem* Sb. pr. I. sj. slov. fil. v Praze 1929, sv. II, Praha 1932, 713—724; V. Mathesius, *O tak zvaném aktuálním členění větném, Slovo a slovesnost* 1939, 171 sč.; K. Boost, *Der Satz als Spannungsfeld*, Berlin 1959.

⁷ Přir. na př. V. Mathesius, *Ze srovnávacích studii slovosledných*, ČMF 1942, 182; St. Szober, *Zasady Ukladu Wyrazów w Zdaniu Polskiem*, Sprawozd. z posiezd. Tow. Nauk., Warszawa 1933, 38.

II. Kompositum z verbalnym substantiwom jako zakladnym słowom

W serbskej rěči, wosebje we wobchadnej a w dialektach, su so jara rozšerili kalki z němčiny typa *běrnyzběranje* (*Kartoffellesen*).⁸ Tež tu knježi we wobčmaj rěčomaj porjad objekt — verbalny substantiw. W češtinje a pólšinje pak tutón typ njeje rozšerjeny; město toho tam rěka *sbíráni brambor, zbieranie ziemiacow*; to su kompleksne pojmenowanja runje z nawopačnym porjadom.

III. Zestajeny predikat, analytiske temporalne a modalne formy słowjesa

We hłownej sadže ze zestajenym predikatom abo z analytiskej temporalnej abo modalnej formu wobkedažbujemy w němčinje obligatnu wobłukowu konstrukciju (Rahmenkonstruktion): finitne pomocne, modalne abo fazowe słowjeso steji we wosrjedźnej poziciji, njeſinitna forma wobsahoweho słowjesa pak steji po objekće.

Za serbsku sadu samsneje družiny je wobłukowa konstrukcija tež charakteristiska, njeje pak obligatna; wotchilenja wot njeje po žadanjach wobsahoweho rjadowanja su mózne, nejsu pak jara rozšerjene.

W češtinje a pólšinje słuša wobłukowa konstrukcija k jara rědkim wuwzaćam. Příklady:

1. *Později můžeš lèpšu placíznu dostać.* (Šymko) — Polski přeł.: *Później możesz sprzedać za lepszą cenę.* — Ně.: *Später kannst du einen besseren Preis bekommen.*

2. *Wobaj pak měještaj přichodne jutry do města na gimnazij hić.* (St. J.) — Polski přeł.: *Ale obydwaj mieli na Wielkanoc w przyszłym roku pójść do gimnazjum w mieście.* — Ně.: *Beide aber sollten nächste Ostern in die Stadt auß Gymnasium gehen.*

3. *A potom počeštaj wobaj na Lipnicy myslić.* (Nawka) — Polski orig.: *A potem oboje poczęli rozmyślać o Lipińcach.* — Ně.: *Und dann begannen beide an Lipince zu denken.*

Ta samsna wobłukowa konstrukcija pak je so w serbštinje rozšerila tež na pódłansku sadu, hdzež w němčinje njeje mózna, dokelž tam steji finitne słowjeso obligatnje na kóncu hnydom po infinitnej formje wobsahoweho słowjesa. W češtinje a pólšinje so w tutym nastupanju njerozeznawa pódłanska sada wot hłownej: wobłukowa konstrukcija słuša k rědkim wuwzaćam. Příklady:

1. *Tak tež dôndže k tomu, zo dyrbješe čorny Walter tak doľho na wotwažovanie a wobličenie swojego měška symjenja čakać.* (St. J.) — Polski přeł.: *Tak więc bezrobotny Walter nic niepodejrzewając musiał poczekać w sklepie z nasionami na zważenie i obliczanie wartości woreczka ziarna koniczyny.* — Ně.: *So kam es auch dazu,*

⁸ F. Michałk, *Wortgruppen mit schwankender Flexion in der obersorbischen Volkssprache*, Z. f. Sl. 1959, 569–576.

daß der schwarze Walter solange auf das Abwiegen und Abschätzen seines Sackes Kleesamen warten mußte.

2. A zastupí kosmaty mužík so prašejo, hač smě tu přez nóc wostać. (bajki) — Česki přeložk.: Vešel chlupatý mužiček, a ptal se, jestli tu smí zůstat přes noc. — Ně.: Eintrat ein zottiges Männlein und fragte, ob es hier über Nacht bleiben darf.

IV. Wotdželomne werbalne prefiksy

Wobłukowa konstrukcja je w němčinje też mózna w sadach ze słowjesom, kotrehož prefiks je wotdželomny (*hinausgehen* — *ich gehe hinaus*). Też w serbšinje su so wotdželomne prefiksy wuwili (*won hić* — *ja du won*). Też tu so hodži nałożować wobłukowa konstrukcja (*Ja hladam z woknom won* — *Ich schaue zum Fenster hinaus*). Ale też tu so poměry w serbšinje zdžela rozeznawaja wot poměrow w němčinje. Husčišo hač wobłukowa konstrukcja so tu wuživa konstrukcja z cyłym słowjesom na kóncu (*Ja z woknom won hladam*). Tajki słowosłd knježi w němčinje jenož w pôdlanskej sadže (*Ich weiß, daß du zum Fenster hinausschaust*).

V. Negacija

W serbšinje hodži so wobkedžbowač sylna tendencā negowanego finitnego słowjesa do nakónčneho połoženia. W tym njeje žadyn rozdžel mjez pomocnym, modalnym abo fazowym słowjesom na jednej stronje a wobsahowym na druhej.

Němčina so sylnje rozeznawa wot serbšiny na polu negacije: negaciska partikla *nicht* njeje formalnje tak kruće zwjazana z finitnym słowjesom, dwójna negacija njeje mózna.

Ale też z češčinu a pôlščinu so poměry w serbšinje njekryja. Też tu po mojim zdaču skutkuje w serbšinje wliw němčiny, kotryž smy cyle jasne dopokazali na dotal wopisanych zjawach (kap. I—IV). Też w němskej sadže so mjenujcy predikat neguje poměrnje pozdże. Partikla *nicht* ma nimale runje tajku sylnu tendencu do nakónčneho połoženia kaž wotdželomny prefiks: *Ich lese das Buch durch. — Ich lese das Buch nicht.* W serbšinje pak hodži so tajke wotstorčenje negacije hač do kónca dôcpěć jenož přez to, zo so staji do nakónčneho połoženia negowane słowjeso: *Ja tu knihu nječitam.*

VI. Jednore finitne słowjeso w pôdlanskej sadže

W němčinje ma jednore finitne słowjeso w pôdlanskej sadže swoje krute městno na kóncu. W serbšinje je tute połoženie też jara rozšérjeme, pod němskim wliwom tež tam, hdžež so wone njehodži wujasnić ze žadanjom wobsahoweho rjadowania. Rozdžel mjez serbščinu a němčinu wobsteji w tym, zo w serbšinje tutón słowosłd njeje obligatny. W češčinje a pôlščinje tajki słowosłd słuša k rědkim wuwzačam a dyrbi być motiwizowany přez wobsahowe rjadowanie. Wosrjedźne městno tu daloko přesahuje wšę druhe mózne pozicije. Příklady:

1. *Hrubi wotročkarjo pokazowachu jím, na kajke wašnje so najwustojnišo prawje*

wiele ludźi zabiwa. (M. N. — N) — Polski přeł.: *Ordynarni knechci pouczali ich, w jaki sposób najłatwiej zabija się dużo ludzi.* — Ně.: *Grausame Folterknechte zeigten ihnen, auf welche Weise man am geschicktesten möglichst viele Menschen erschlägt.*

2. Jako wonaj wjelka wuhladaštaj, čisnyštaj wonaj to tučno. (bajki) — Česki přeł.: *Když uviděli vlka, slaninu uhodili.* — Np.: *Als sie den Wolf erblickten, warfen sie den Speck hin.*

VII. Jednore finitne słowjeso we hłownej sadźe

W němskej wobkrućacej hłownej sadźe bjez wobłukowej konstrukcji steji jednore finitne słowjeso přeco we wosrjedźnej poziciji. Też jeli steji před subjektom, to wone ženje njesteji cyle na spočatku sady. Tute prawidło pak njeskutkuje w serbščinje, ani w spisownej rěči ani w ludowej. Tu knježi nawopak sylna tendenca finitneho słowjesa do nakónčneho położenia, też tam, hdźeś so to njehodži wujasnić po zasadach wobsahoweho rjadowanja.

W češčinje a pólščinje tajka tendenca njeeksistuje. Wo městrnje słowjesa rozsudži wobsah; skerje hodži so rěčeć wo tendency do wosrjedźineje pozicije. Příklady:

1. *Najradšo so ludžo njedželu wobžlokaja.* (Šymko) — Polski přeł.: *Najchętniej się ludzie upijają w niedzielę.* — Ně.: *Am liebsten betrinken sich die Leute am Sonntag.*

2. *Wón jeho do cuzeje zemje pósła, zo by ju sebi wobhladal.* (bajki) — Česki přeł.: *Otec ho poslal do ciziny, aby se podíval do světa.* — Ně.: *Der Vater schickte ihn in die Fremde, damit er sich diese besehe.*

3. *To člowjek měrnje swoju smjetanu njese, ...* (Hana) — Polski orig.: *Człowiek niosł sobie spokojnie śmietankę, ...* — Ně.: *Da trägt man nichtsahnend seine Kaffeesahne.*

4. *Nó, Nětke wšitko z mašinami džélaja.* (Debsecy) — Ně.: *Na, jetzt arbeiten sie alles mit der Maschine.*

Wězo zetkawamy so też z nakónčnym położenjom słowjesa, hdźeś so to wopodstatni wobsahowje. Příklady:

1. *Tole drje złoducha tróšku zamyli a mjerzaše.* (M. N. — N.) — Polski přeł.: *To diabla trochę zaniepokoilo.* — Ně.: *Das beunruhigte und ärgerte den Bösewicht ein wenig.*

2. *Věkowa jeho tam zawohlada.* (Kub.) — Česki orig.: *Věková ho v tu chvíli viděla.* — Ně.: *Frau Věk sah ihn in diesem Augenblick.*

3. *Naposlědk Ławrjenc skóržbu přehra.* (Nawka) — Polski orig.: *Nakoniec przegrał Wawron sprawę.* — Ně.: *Schließlich verlor Wawron den Prozeß.*

4. *Zwěrjata so wo tym a druhim rozrěčowachu.* (bajki) — Česki přeł.: *Zvířata rozmlouvala o tom a onom.* — Ně.: *Die Tiere unterhielten sich über dieses und jenes.*

W pólščinje a češčinje steji tu finitne słowjeso druhdy samo na wosrjedźnym

městnje, hačrunjež by sej wobsah wužadał nakónčne. Na wosrjedźnym městnje zetkawamy słowjeso wězo tež w serbščinje, ale to nimale jenož po zasadach wobsahowego rjadowanja. Příklady:

1. *Mikolaj wza list, zalěze na wóz a wotjědže.* (Hana) — Polski orig.: *Mikolaj wziął list, zabrał się z arendarzem i pojechał.* — Ně.: *Mikolaj nahm den Brief, ging los mit dem Pächter und fuhr ab.*

2. *Wjelk poča so wokolo holcow šmórać, liška wali so pak za kachle.* (bajki) — Česki přełožk: *Vlk se začal lísat k děvčatům, a liška se skulila za pec.* — Ně.: *der Fuchs aber setzte sich hinter den Ofen.*

3. *Wosud mérješe so z wulkej pacu a z wulkimi pazoramí na Šymka.* (Šymko) — Polski přełožk.: *Los rzucił się na Szymka wielkimi szponami a ostrymi pazurami.* — Ně.: *Das Schicksal hielt seine starken Franken und scharfen Krallen für Schimko bereit.*

Poměry w serbščinje docharakterizuje statistiske přeptytowanje něhdźe 550 sadow. Wunoški tuhoto přeptytowanja su sc̄ehowace:

1. W 55% wšitkich serbskich hłownych sadow ze słowesom na kóncu njěhodži so tute położenie wujasnić po zasadach wobsahowego rjadowanja.

2. W 86% wšich serbskich hłownych sadow ze słowesom we wosrjedźnym położenju hodži so tónle porjad wujasnić po tutych zasadach. Na tym spóznajemy hišće jónu cyle jasnje tendencu finitnego słowjesa do nakónčnego położenja.

3. W spisownej rěči je tuta tendenca sylniša hač w ludowej. W 50% wšitkich serbskich hłownych sadow z ludoweje rěče hodži so nakónčne městno słowjesa wujasnić wobsahowje; za spisownu rěč tu płaći jenož ličba 37 %.

Znate je, zo su poměry w modernej čěščinje a pólščinje dospołnje hinaše. Widzímy to hižo na skromnej ličbje citowanych příkladów. W srjedźowěkowej čěščinje a pólščinje pak a w čěščinje doby narodneho wozrodzenja knježeše podobna tendenca finitnego słowjesa do nakónčnego położenja. Za čěščinu to wujasni M. Jelínek z wliwa laćonskeho słowoslěda. Wo staropólščinje drje hodži so to samsne prajić.

W serbščinje pak, zabywši w ludowej, njeje ženje tak sylnje skutkować móhł direktny wliw laćonščiny. Jenički cuzy wliw, kotryž je tu móžny — a tež po cyłej gramatice rozšérjeny —, to je wliw němčiny. Tutón němski wliw prawje zrozumimy, hdýž wobkedźbujemy to, štož smy na započatku prajili wo dialekttice interferencych zjawow:

Wažny element struktury němskeho słowoslěda je gramatiska opozicija

wotwisnosć : njewotwisnosć sady.

Sylna komponenta tuteje opozicije je *wotwisność*, zwuraznjena přez nakónčne městno finitnego słowjesa, słaba komponenta pak je *njewotwisność*, zwuraznjena přez wosrjedźne położenie finitnego słowjesa: kóžda sada z nakónčnym położenjom finitnego słowjesa je wotwisna, eksistują pak tež wotwisne sady z wosrjedźnym městnom finitnego słowjesa.

Tutu opoziciju — kaž smy widzeli — serbščina njeznaje. Jenakosć hłowneje a pódłanskeje sady, nawopak, je ważny faktor serbskeho słowosłěda. To so hodži wobkedźbować na př. tež na tym, zo dwojoręčny Serb, hdyz němsce rěči, tež tu husto njerzeznawa hłownu a pódłansku sadu po słowosłědze: *Liebe H., ich freue mich, daß bei dir ist alles so gut abgelaufen. Luba H., Ja so wjeselu, zo je pola Tebje wšitko tak derje wotběžalo.*

Tuž je bjez džiwa, zo opozicija *wotwisność* : *njewotwisność sady* w serbščinje tež njeeksistuje za tajke elementy struktury słowosłěda, kotrež su nastali pod cuzym wliwom. Tak je so móhla wobłukowa konstrukcija rozšírić tež do pódłanskeje sady (III), tak steja słowjesa z wotdzłomnym prefiksom w serbskej sadze zwjetša w tej samsnej poziciji kaž w němskej pódłanskej sadze (IV), a tak skónčnje w serbščinje tež njeeksistuje žadyn zadžewk za rozšířenje nakónčneho połoženia jednoreho finitneho słowjesa na hłownu sadu.

Zo tež na polu słowosłěda wobsteja w serbščinje zadžewki za přejimanje strukturnych elementow z němčiny, to pokazuje fakt, zo so nakónčne połoženie finitneho pomocneho słowjesa *być* w pódłanskej sadze hač do džensnišeho dnja začuwa jako czuwowēc, kotaž so jenož tu a tam wobkedźbuje w starym přełožku biblije (*Tola dyrbja wědžeć, zo profeta bjez nimi byl je*). Pričina leži w tym, zo su finitne formy słowjesa *być* enklitiske.

Člowjek móhl so hišeće prašeć, čehodla njeje so tu nawopak pod němskim wliwom rozšeriło wosrjedźne połoženie słowjesa na pódłansku sadu. Wotmołwa so na to lochko namaka: W němčinje knježi powšitkowna tendencja, wobzamknyc sadu z verbalnym elementom, hdžežkuli so k tomu poskići składnosć. To smy widzeli na infinitiwnej sadze (I) runje tak kaž na sadze z wotdzłomnym verbalnym prefiksom (IV). To smy widzeli tež w sadze ze zestajenym predikatom abo z analytiskimi formami słowjesa runje tak kaž w sadze z negowanym finitnym słowjesom. Tuta tendencja so skónčnje tež wotblyšće w kompozitach z verbalnym substantiwom (II).

Tuta tendencja je w němskej ludowej rěci hišeće wjele sylniša hač w spisownej:

1. We wšitkich němskich dialektach je rozšířeny perifrastiski prezens z pomocnym słowjesom *tun*: *Ich tue schreiben*. - Příklad: Ně. dial.: *Unsere Mutter tut Plinsen backen*. — Ně. spis.: *Unsere Mutter bäckt Plinsen*. — Serbsce: *Naša mać plincy pječe*.

2. W němskich narečach su so hač do džensnišeho dnja zdžerželi zbytki dwójneje negacije. Příklad: Ně. dial.: *Ich esse keine Suppe nicht*. — Ně. spis.: *Ich esse keine Suppe*. — Serbsce: *Ja žanu zopu njejém*.

Zjimajo móžemy prajić: Ważny element struktury němskeho słowosłěda — tendencja zakónčić sadu z verbalnym elementom, hdžežkuli so to hodži — je so tež w serbščinje sylnje přesadžila. Dokelž pak serbščina njeznaje słowosłědnú opoziciju hłowna sada: pódłanska sada, je tuta tendencja w serbščinje w konkretnych padach dowiedla k cyle hinašim wusłědkam hač w němčinje. Najbóle napadny tajki wusłědk je nakónčne połoženie jednoreho finitneho słowjesa we hłownej sadze tež w tajkich

padach, hdźež słowjeso njepředstaja jadro wuprajenja (jadro psychologiskeho predikata). Tež w drugim nastupanju je rozdžel mjez tutej tendencu w němčinje a jeje wuskutkom w serbštinje: W němčinje je na kónčne połoženje verbalnega elementa we wotpowědných konstrukcijach obligatne, w serbštinje je słowosłēd najebać sylny němski wliw bóle elastiski, přistupny hišće žadanjam wobsahoweho rjadowanja.

ŽÓ RŁA:

- 1a) Biblja: Cyłe Swjate Pismo Stareho a Nowego Zakona, Dresden 1857 (= biblia).
- b) Swjate Biblije, to jo tón stary a nowy testament Božoho s. Pisma (Swětlik, M. Jurij Hawštyn), Handschrift 1688 (= Swětlik).
- c) Biblí Svatá aneb všecka svatá písmá starého i nového zákona podle posledního vydání Kralického z roku 1615, Praha 1906.
- d) Biblia, to jest Całe Pismo Święte Starego i Nowego Testamentu, Warszawa 1954.
- 2a) Brězan, J., Stara Jančowa, Berlin 1952 (= St. J.).
- b) Brězan, J., Auf dem Rain wāchst Korn, Berlin 1951.
- c) Brězan, J., Na między rośnie zboże, z niemieckiego tłumaczyła Zofia Petersowa, Warszawa 1953.
- 3a) Jirásek, A., Sebrané spisy, Díl II, F. L. Věk, Praha 1890.
- b) Jirásek, A., F. L. Věk, zeserbščila M. Kubášec, Budyšin 1957 (= Kub.).
- 4a) Nedo, P., Sorbische Volksmärchen, Bautzen 1956 (= bajki).
- b) Horák, J., Pohádky a Písničky Lužických Srbů, Praha 1959. (Přeložki ze serbštiny).
- 5a) Nowak, M., Serbski Wśudźebyl, Budyšin 1954 (= M. N.—N.).
- b) J. Skala i M. Nowak, Nowele Łużyckie, przekłady z oryginału lużyckiego, Warszawa 1936.
- 6a) Sienkiewicz, H., Dzieła, T. IV. Warszawa 1949.
- b) Sienkiewicz, H., Hana, Roman, zeserbščil B. Cyž, Budyšin 1925 (= Hana).
- 7a) Sienkiewicz, H., Za chlebem, Latarnik (Mala Biblioteczka Książki i Wiedzy 3), Warszawa 1951.
- b) Sienkiewicz, H., Za Božím chlébom, po přeložku Jurja Wingera wobdzěwał Anton Nawka (= Nawka).
- 8a) Skala, J. Stary Šymko, Berlin 1953 (= Šymko).
- b) J. Skala i M. Nowak, op. cit.
- 9) Fonografiske zapiski dialektnych tekstow z lét 1952—1955 (= Debseoy).